

Visoki predstavnik bio prinuđen da smijeni Mijata Tuku

Nova hrvatska inicijativa (NHI) nije sankcionirala gospodina Mijata Tuku, zastupnika u Zastupničkom domu Parlamenta FBiH, što je prinudilo visokog predstavnika Paddyja Ashdowna da sam poduzme mjere. Visoki predstavnik je danas smijenio gospodina Mijata Tuku sa funkcije, u skladu sa pismom koje je 20. marta uputio predsjedniku stranke NHI Krešimiru Zubku.

Donoseći ovu odluku, visoki predstavnik je rekao da “pošto je prošlo sedam dana, a stranka nije poduzela nikakve mjere, niti je gospodin Tuka prihvatio odgovornost i sam poduzeo mjere, donio sam odluku da smijenim gospodina Tuku kako bi zaštitio ugled Bosne i Hercegovine i njenih institucija, kako u zemlji tako i u inostranstvu”.

Izvještaj specijalnog revizora, koji je prezentiran prošle sedmice, ukazuje da gospodin Tuka, dok je bio na vodećoj funkciji u Ministarstvu socijalne politike i izbjeglica FBiH, nije upravljao budžetom Ministarstva na transparentan i odgovoran način. Izvještaj ukazuje na sistematsku zloupotrebu finansijske kontrole prilikom raspodjele sredstava od strane ljudi koji su bili zaduženi da omoguće tu kontrolu, uključujući i vršioca dužnosti ministra u to vrijeme, gospodina Mijata Tuku. Kao rezultat toga, ovi propusti su doveli do pljačke najugroženijih kategorija u bh. društvu danas: izbjeglica i raseljenih osoba.

Odlukom visokog predstavnika gospodinu Tuki se također zabranjuje vršenje bilo kakve zvanične, izabrane ili imenovane javne funkcije, kandidiranje na izborima i vršenje funkcija unutar političke stranke.